

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 795 del 22/03/2023

Traduzione in ladino

Pest joegn enrescidores Euregio: se pel se scriver ite enscin ai 15 de mé

“L’energia tel Euregio” l é l argument del Pest Joegn Enrescidores Euregio 2023, metù a jir col didament de la trei Cambres del Comerz e de la Industria, che l vegn endrezà per la dodejeisema outa. Pel se candidèr enrescidores anter i 19 e i 35 egn (nasciui dant dai 19 de aost del 1988), che stèsc tel Tirol, Sudtirolo o Trentin, che fèsc enrescides spezifiches te la universitàdes, scola autes o isitituc de enrescida ti trei raions del Euregio e i é atives a livel internazionèl te la disciplines de derit, de economia, de la sciences naturèles o de la sciences tecniches. Se pel se scriver ite enscin ai 15 de mé tras n modul online. Fèsc besegn ciarièr na sumèda per ingleis del document de enrescida. “L argument de l’energia l é l argument prinzipèl de la programazion politica internazionèla e ence nesc raions cogn troèr soluzions tecnologiches che conjobie l svilup sostegnibol e l stravardament del ambient co la crescimonia economica e sozièla. Peisse al svilup de la fontènes che se pel renovèr, al idroeletrich, al idrogen e ai sacotenc etres ciampes de la enrescida che pel se emprevaler del contribut dassen emportant di joegn enrescidores. La forza del Euregio l’è l’union de obietives e forzes sie te chisc ciampes strategics, che i raprejentea l davegnir de nesc raions,” l à dit l president de la provinzia autonoma de Trent e del Euregio Maurizio Fugatti.

L president de la Provinzia autonoma de Busan e assessor provinzièl a la Enrescida e a l ‘Inovazion, Arno Kompatscher, l é content del argument che l é stat cernù fora: “L’energia l’è una de la costions zentrèles de nosc temp, dal sparagn energetich a la segurezza del reformiment enscin a la produzion de fontènes renovaboles. Te la valutazion de la soluzions, la enrescida l’è semper n element essenzièl. Con chest pest se vel engaissèr, portèr inant e meter en coleament i joegn enrescidores che tol dant chest argument”. La scomenzadiva no la vel demò engaissèr i joegn enrescidores, ma doventa ence n vantac per la sozietà e l’economia de dut l Euregio.

“N reformiment energetich segur e sostegnibol l é una de la endesfides più emportantes per l davegnir de dut l Euregio. Per chesta rejon spete i contribuc inovatives di joegn scenziac del Tirol, Sudtirolo e del Trentin sul argument de l’energia”, l à sottrissà l capitan del Tirol Anton Mattle. Dessema col assessor tiroleis a la scienza Cornelia Hagele, Mattle ge domana ai joegn enrescidores de tor pèrt a na vida ativa a la formazion del Euregio. “L pest Euregio per i joegn enrescidores no l porta inant demò n coleament en rei anter la trei pèrts del Euregio a livel scentifich, ma l sporc ence n contribut tecnich emportant per n svilup maor de nesc raions” disc l assessor provinzièl Hagele.

Al projet mior ge vegnarà recognosciù 5.000 euro, al secondo 2.500 euro e al terzo 1.000 euro. I projec i vegnarà selezioné da na juria reta da Ulrike Tappeiner, President de la Università de Busan. La zerimonia de premiazion la vegnarà endrezèda endèna la Dì del Tirol del Forum europeèn de Alpach, ai 20 de aost del 2023. Chi che rua te la finala i vegnarà chiamé a Alpach per portèr dant sie lurier e baratèr idees coi scenziac de nonzech e leader politics.

Duta la informaziuns sul Pest del Euregio per joegn enrescidores se pel les lejer sul sit web del Euregio a la direzion www.euregio.info/youngresearcher

Traduzion di Servijes Linguistics e Culturèi del Comun general de Fascia

(cdt)